

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU

Broj: 65 0 St 1149323 24 St
Sarajevo, 12.02.2025. godine

Općinski sud u Sarajevu, stečajni sudija Zlatan Bilić, rješavajući po prijedlogu za otvaranje stečajnog postupka nad imovinom privrednog društva "DENIJAL" Društvo za trgovinu, exort -import i usluge, d.o.o. Sarajevo, ulica Trg djece Sarajeva broj 1 (BBI Centar), Sarajevo, donio je dana 12.02.2025. godine slijedeće:

R J E Š E N J E

- I. Pokreće se prethodni postupak radi utvrđivanja postojanja uvjeta za otvaranje stečajnog postupka nad imovinom stečajnog dužnika "DENIJAL" Društvo za trgovinu, exort -import i usluge, d.o.o. Sarajevo, ulica Trg djece Sarajeva broj 1 (BBI Centar), Sarajevo.
- II. Za privremenog stečajnog upravitelja imenuje se Demirović Zijo iz Sarajeva, ulica Antuna Hangija br. 8, Sarajevo.
- III. Privremeni stečajni upravitelj dužan je odmah po prijemu rješenja o imenovanju preduzeti radnje u smislu članka 63. Zakona o stečaju („Službene novine Federacije Bosne i Hercegovine“, broj: 53/21) i to:
 - osigurati imovinu stečajnog dužnika i brinuti se o njoj;
 - ispitati može li imovina stečajnog dužnika pokriti troškove stečajnog postupka i postoje li razlozi i uvjeti za otvaranje stečajnog postupka;
 - procijeniti može li se poslovanje stečajnog dužnika u cjelini ili u pojedinim dijelovima nastaviti;
 - izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika;
 - utvrditi može li se poslovanje stečajnog dužnika u cjelini ili djelimično nastaviti u toku prethodnog postupka i
 - dostaviti izvještaj stečajnom sudiji da li je podnositelj prijedloga za otvaranje stečajnog postupka, odnosno zakonski zastupnik stečajnog dužnika podnio prijedlog u roku od 60 dana od dana nastupanja platežne nesposobnosti.

- IV. Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.
- V. Pozivaju se povjeritelji da privremenom stečajnom upravitelju bez odgađanja saopće koje mjere osiguranja na predmetima imovine stečajnog dužnika oni zahtjevaju.
- VI. Rješenje o pokretanju prethodnog postupka bit će istaknuto na oglasnoj ploči Suda, na web stranici – elektronskoj ploči Suda, na Internet stranici FIA-e i u "Službenim novinama FBiH"
- VII. Ovo rješenje će biti istaknuto na oglasnoj ploči ovog suda sa danom donošenja.
- VIII. Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj MBS broj 65-01-0365-11.

O b r a z l o ž e n j e

Predlagatelj je dana 15.01.2025. godine ovom sudu podnio prijedlog za pokretanje stečajnog postupka nad imovinom pravne osobe "DENIJAL" Društvo za trgovinu, exort -import i usluge, d.o.o. Sarajevo, ulica Trg djece Sarajeva broj 1 (BBI Centar), Sarajevo.

U prijedlogu je navedeno, da pravno lice čiji se stečaj traži, prijete platežna nesposobnost, te da je isto došlo u stanje da u narednih 12 mjeseci neće moći izvršavati svoje zakonske obaveze, niti vršiti plaćanje svojih obaveza prema državi, radnicima i povjericima. Ističe da i pored pokušaja da se revitalizira i ponovno uspostavi redovno poslovanje, predlagatelj, kao zakonski zastupnik društva, nije u tome uspio, tako da je izgledno da će u narednom periodu doći do platežne nesposobosti.

Prilikom saslušanja zakonskog zastupnika stečajnog dužnika, ista je izjavila da trenutno postoje obaveze prema zakupodavcu BBI Centru (Aria) u iznosu od oko 100.000,00 KM, ali da firma i dalje ima robne zalihe koje bi eventualno mogle pokriti dospelje dugove, ali da zbog nemogućnosti plasmana robe ista smatra da postoji opravdana bojazan od platežne nesposobnosti u narednom periodu.

Našavši da se u konkretnom slučaju radi o dopuštenom prijedlogu, a radi utvrđenja postoji li stečajni razlog i postoje li uvjeti za otvaranje stečajnog postupka, te imajući u vidu činjenicu da je stečajni dužnik uplatio predujam za pokriće troškova prethodnog postupka, Sud je donio odluku kao u izreci, primjenom članova 61., 63. i 66. Zakona o stečaju.

**Stečajni sudija
Zlatan Bilić**

Pouka o pravnom lijeku: protiv ovog rješenja žalba nije dozvoljena.